



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 52. Lambertus Balbus Leodii.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

mam misso, qui jam ante in eadem causa Sæcul. XII.
 bis iter ad Sedem Apostolicam susceperat. A.C. 1174.
 Is tres Papæ epistolas retulit, Anagninæ
 octava Septembris datas, quarum prima
 ad Albertum Archiepiscopum, secunda
 ad Conradum Archiepiscopum Mogun-
 tinum, suum in Germania Legatum, &
 tertia ad Præpositum & Capitulum Salis-
 burgense directa. In his epistolis Papa
 Depositionem Alberti, tanquam contra
 Jura Divina humanaque, ac summa Sacræ
 Sedis injuria peractam, nullam declarat.
 Legato suo præcipit: Episcopis Gurcensi,
 Brixinensi & Henrico Præposito diem
 præscriberet, intra quem intrusus iste
 ad Ecclesiam suam redire, & Archi-
 episcopo suo obedire compelleretur.
 Capitulum quoque Salisburgense sine
 mora legitimo suo Archiepiscopo Alberto
 obsequi jubet. Illud autem memorabile,
 quod Episcopi Gurcensis & Brixinensis
 dicerent, se Henricum Præpositum salva
 obedientia Alexandro Papæ debita ele-
 gisse, quod Papa in his literis refert.
 At Pontificis conatus in cassum cecide-
 runt, adversante Imperatore, sub cujus
 præsidio Henricus annos quatuor Sedem
 Salisburgensem tenuit.

§. LII.

Lambertus Balbus Leodii.

Rudolphus Episcopus Leodiensis, Ale-
 xandri Ægyd. c. 52.
M. Chr.
Belg. p. 193.

Sæcul. XII.

A.C. 1174.

xandri Successor, avaritiæ vitio usque ad
 eo fordescebat, ut in foro publico Præben-
 das plus pecuniæ offerenti venumdaret.
 Quidam S. Presbyter nomine Lambertus,
 cognomento Balbus, quia lingua im-
 peditus erat, scandali enormitatem non
 ferens, adversus simoniam corruptos-
 que Clericorum mores declamare cœpit.
 Literis licet leviter tinctus magno zelo
 fervebat; unde tota civitas ejus præ-
 dicatione commota; turmatim populus
 confluebat, & multi peccatores con-
 versi. Indignabantur vero Clericorum
 præcipui, cumque, quid agendum, de-
 liberassent, Episcopum adeunt, qui missis
 ministris Presbyterum comprehendi ju-
 bet. Dum per Ecclesiam Dominæ Nostræ
 deducitur, quidam Presbyteri aliique
 Clerici captivum pugionibus pungebant,
 & unguibus cutem lacerabant; at ille
 conversis ad Altare oculis & ducto altis-
 sime suspirio, *heu, tempus imminet, in-*
quit, quo porci in loco, in quo nunc stas,
terram fodient. Vera dixisse Lamber-
 tum eventus postea docuit. Itaque jussu
 Episcopi in Arce Rivoniacensi includitur,
 ubi Acta Apostolorum ex Latino in Franci-
 cum transtulit. Inde cum Episcopus,
 Clericorum consilium secutus, Romam
 misit, ut ibi poenam daret temeritatis,
 qua non vocatus prædicare ausus fuisset.
 Verum Alexander Papa, haud ignarus,
 optima

273. 500-
 491. 3. 205 libraz

optimæ fidei virum esse, quem aliorum ^{Sæcul. XII.}
 invidia persequeretur, Lambertum data ^{A. C. 1175.}
 prædicandi licentia domum remisit. Is
 etiam matronas puellasque collegerat,
 permoveratque ad continentiam ser-
 vandam. Hæ ab Auctoris nomine * * le Begue.
Beguina appellatæ; atque istud Institutum
 in hanc usque diem in Belgio ætatem
 tulit, ubi præclaro Fidelium exemplo,
 visuntur congregationes feminarum,
 quæ, nullo edito voto perpetuo, vitæ
 rationem communem, orationi & la-
 bori vacantes, tenent. Lambertus Bal-
 bus Leodii anno millesimo centesimo
 septuagesimo septimo animam Creatori
 suo reddidit, ac in Ecclesia S. Christo-
 phori, quam ædificaverat, tumulo il-
 latus est.

§. LIII.

Concilium Londinense.

Pace in Angliam reducta, ambo Reges ^{Gervas.}
 pater & filius simul eo revecti sunt, ^{p. 1429.}
 mense Majo, anno millesimo centesimo ^{to. 10. Conc.}
 septuagesimo quinto, cum Richardus ^{p. 1461.}
 Archiepiscopus Cantuariensis Concilium ^{Rog. p. 542.}
 celebraturus esset, quod etiam in Do-
 minica ante Ascensionem Domini, die
 decima nona Maji, in Ecclesia S. Petri
 Westmonasterii inchoavit, omnibus
 Episcopis Cantuariensis provinciæ Suf-
 fraganeis præsentibus, exceptis Vigor-
^{Hist. Eccles. Tom. XVII.} Fff nienfi,